

Comunu de Nuradda – Provìntzia de Casteddu

Servìtziu Amministrativu

08030 NURADDA (Ca) – Pratzza Matteotti s.n. tel. 0782.815004 fax 0782.815328

Fundu de ispesas currentis po su deretu a s'istùdiu – ex L.R. n. 31/84

BANDU PO SU RIMBURSU DE IS ISPEAS DE BIÀGIU PO IS ISTUDIANTIS PENDULARIS DE IS ISCOLAS SUPERIORIS DE SEGUNDU GRADU IN S'ANNU ISCOLÀSTICU 2012/2013

Su Responsàbili de su Servìtziu amministrativu

in esecuzioni de sa determinatzioni n. 42 de su 11/7/2013

fait isciri

ca si podit presentai domanda po su rimbursu de is ispesas de biàgiu tentas de is istudiantis pendularis de is iscolas superioris in s'annu iscolàsticu 2012/2013.

Cunditionis po pigai parti a is beneficius

Funt amìtius a su bandu is istudiantis chi tèngiant sa residèntzia in su Comunu de Nuradda a sa data de sa publicatzioni e chi apant frequentau in s'annu iscolàsticu 2012/2013, in Sardigna, iscolas segundàrias superioris o artìsticas pùblicas, parificadas o arreconnotas a manera legali, fintzas cunservatòrius de mùsica e cursus po genti manna.

Ispesas chi si podint rimbursai

Su rimbursu s'arreferit a ispesas cuncretas fatas in s'annu iscolàsticu 2012/2013 e documentadas cun is billetus in abbonamentu de mesi o de cida fatas de s'azienda de trasportu (a dònna manera non s'ant a rimbursai is billetus de cursas singulas o de andata e torrada bàlidus po una dia feti).

Su rimbursu de is ispesas fatas umperendi mèdius privaus at a essi possibili feti in ammanca de cullegamentus pùblicos e su tanti de rimbursu chi at a ispetai at a essi uguali a su tanti chi ispetat po su mèdiu pùblicu.

Càculu de su contributu

Su tanti de contributu chi ispetat s'at a calculai sighendi is fàscias de valori ISEE chi pertocant is famillias de is istudiantis chi faint domanda, cunforma a s'art. 4 de is arrègulas po s'atributzioni de is agiudus econòmicus previdius cun is leis po su deretu a s'istùdiu, comentu at aprovau sa delibera de su Cunsillu Comunali n. 42 de su 28/11/2003, e segundu is percentualis umperadas in su càculu de sa cuota de contributu chi est detzìdia dònna annu in sa Giunta Comunali.

Presentatzioni de is demandas

Is demandas, a pustis de ddas ari firmadas su babbu o sa mama de s'istudianti minori o s'istudianti etotu chi tenit prus de 18 annus, umperendi is mòdulus chi s'agatant in is ufìtzios comunalis o chi si podint iscarrigai de su situ de su comunu www.comune.nurallao.ca.it, depint essi presentadas a manu a s'Ufìtziu de su Protocollu de su Comunu, de is 11 a is 13 in is diis aintru de cida e non prus a trigadiu de s'**iscadèntzia de su 12 de austu 2013**.

Impari cun sa domanda s'at a presentai custa documentatzioni:

- còpia de s'atestatzioni ISEE (indicatori de sa situatzioni econòmica ecuivalenti) in arreferimentu a is rèditus de s'annu 2012;
- billetus de abbonamentu de mesi o de cida (foras de is billetus de cursas singulas o de andata e torrada bàlidus po una dia feti) innui ddui siat iscritu cantu s'est pagau a s'azienda de trasportu;
- autotzertificatzioni iscritta e firmada cunforma a sa lei, po is istudiantis chi apant umperau mèdius privaus, innui s'atestit ca po lompi a sa sedi de s'iscola no est istètiu possibili a umperai mèdius pùblicos, narendi s'arrexoni de s'impossibilitadi.

Is chi ammancant a sa presentatzioni de sa declaratzioni ISEE no ant a essi lassaus foras de su bandu, ma ant a essi postus in sa fàscia de rèditu prus arta chi su regolamentu previdit.

Istrutòria de is domandas

S'istrutòria de is domandas dd'at a sighiri su responsàbili de su Servìtziu amministrativu o unu delegau responsàbili de su protzedimentu chi at a fai is elencus de is beneficiàrius sighendi is tzertificatzionis ISEE. In dèroga a sa publicatzioni in s'albu de sa chi depiat essi sa graduatòria cunforma a s'art. 6 de su regulamentu comunali giai nomenau, biu ca totus is istudiantis gosant assumancu de su contributu mìnimu chi est detzìdiu segundu sa disponibilitadi finantziària, s'apartenèntzia a una fàscia ISEE e segundu sa percentuali de rimbursu stabilèssia po dònna fàscia, s'istrutòria at a essi comunicada in manera iscrita a is chi faint domanda impari cun su tanti de ispesas chi s'ant a rimbursai e chi ddui est, a sa diferèntzia non rimbursada chi s'at a podi decrarai in mesu de is ispesas ogetu de su contributu cunforma a sa L. n. 62/2000 po s'A.S. 2012/2013.

Esclusioni e santzionis.

S'ant a lassai foras de su cuncursu is istudiantis chi non tèngiant is rechisitus.

In prus, ant a essi bogaus fintzas e is chi apant presentau documentatzioni arresurtada frassa a s'ora de is controllus. Chi su beneficiu arresurtat giai donau, s'at a protzedi a ndi dd'arretirai, fata sa comunicatzioni a is autoridadis cumpetentis po ponni is santzionis previdias de s'art. 76 de su D.P.R. n. 445 de su 28/12/2000.

Informativa cunforma a sa L. n. 675/96

I datus scritus in is domandas ant a essi umperaus po su protzedimentu chi at serbiri po donai is beneficius in s'arrespetu de sa L. n. 675/96 a pitzus de su manìgiu de is datus personalis.

Nuradda, 11/7/2013

Su responsàbili de su servìtziu amministrativu
f/to Serra Giovanni – ragionieri